

Más mian leat síntiús a
thabhairt don paróiste ar líne,
seo leanas uimhir chuntais:

Cill Éinde (Paróiste)
IBAN: IE81AIBK93740104660088
BIC: AIBKIE2D

Cill Éinde (Tuarastal an tSagairt)
IBAN: IE50AIBK93740104660161
BIC: AIBKIE2D

Oibreacha deisiúcháin riachtanacha
IBAN IE02AIBK937401046608 31
Míle Buíochas as bhur dtacaíocht

Biseach 2026

Beidh Biseach, irisleabhar Chumann Forbartha
Chois Fharraige, á fhoilsiú arís i mbliana.
Má tá suim agatsa píosa a scríobh do Bhiseach na
bliana seo, ba bhreá linn cloisteáil uait!

Má phós tú i 2025 nó má tá sé de rún agat pósadh
i mbliana agus gur mhaith leat go mbeadh do
phictiúr bainise san iris, seol
chugainn iad!

Beidh fáilte mhór freisin roimh
sheanphictiúirí.

Ba mhaith linn cloisteáil freisin ó dhaoine a raibh
páistí acu i mbliana nó anuraidh le freagra na
ceiste seo:

Cén cineál Cois Fharraige ar mhaith leat a
fheiceáil do do pháiste?

Féadfaidh do fhreagra a bheith chomh fada nó
chomh gearr agus is maith leat agus ba bhreá linn
pictiúr de do pháistín freisin!

Bí i dteagmháil linn ag:
biseach2026@gmail.com

Fáilte Romhat, A Rí an Domhnaigh Bheannaithe

Fáilte romhat, a Rí an Domhnaigh
bheannaithe,
Lá breá aoibhinn cois bruach na
farraige.

Fáilte romhat, a Réalt gheal na mara,
Lá breá aoibhinn d'fhonn Críost a
agallamh.

Fáilte romhat, a Dhia na gil' 'sna
gréine,
'Thug an lá dhúinn le grá 's le féile.
Fáilte romhat a Mhaighdean ghlórm-
har ghléigeal,

Buíochas leat, a Dhia

Buíochas leat, a Dhia, as ucht na hiobartha
seo.

Go líona sé ár gcroíthe le grásta.
Go raibh againn i gcónaí a shuaimhneas is
a shíocháin.

Moladh go deo le Dian a glóire. (x2)

Bíodh grá againn d'ár gcomharsain gach
oíche 's lá,
Is grá againn do Íosa, ár Slánaitheoir,
Go gcanaimid le chéile an t-amhrán se oar
neamh.

Moladh go deo le Dian a glóire. (x2)

Scéal, Scéal, Scéal...

Foilsíonn Fóram Chois Fharraige um Pleanáil Teanga
nuachtlitir, saor in aisce, ar líne chuile Dhéardaoín @ 8.00:

Scéal, Scéal, Scéal...

Nuacht, scéilíní, fógraí agus eolas faoi cheantar Chois Fharraige a bhíonn ann.

Seol do sheoladh ríomhphoist chuig **optchoisfharraige@gmail.com**

agus cuirfeair leis an liosta thú.

Nó tabhair cuairt ar

<https://coisfharraige.ie/pleanail-teanga/nuaiocht/>

le teacht ar na cóipeanna ar fad.



PARÓISTE AN SPIDÉIL AN SEACHTÚ DOMHNACH DÉAG A 25ú/26ú Iúil 2026

An tAthair Daniel Gallagher S.P. www.cilleinde.ie

Oifig: 083 8126745

Ríomhphost: cilleinde@outlook.ie **Uaireanta**

Oscailte:: Dé Máirt, Déardaoín, Dé hAoine 10.00 - 2.00

Aifrin & Intinní na Seachtaine



Cill Éind, Spidéal

Dé Domhnaigh	26ú	11.00r.n.	Gerry (Joein) Folan Peter & Larry Dunne Mike Ó Curraoin & a bhean Barbara Julie Kelly	<i>Spidéal Thiar</i> <i>Baile Liam</i> <i>Baile Liam</i> <i>Baile Liam/Londain</i>
--------------	-----	-----------	---	---

Dé Céadaoin	29ú	10.00r.n.		
-------------	-----	-----------	--	--

Déardaoín	30ú	10.00r.n.		<i>Missa Pro Populo</i>
-----------	-----	-----------	--	-------------------------

Dé hAoine	31ú	10.00r.n.		
-----------	-----	-----------	--	--

Dé Domhnaigh	2ú	11:00r.n.	Pat Bán Ó Feommeadha, a bhean Sara & muintir na beirte	<i>Cré Dhubh</i>
--------------	----	-----------	--	------------------

Dé Luain	3ú	6.00i.n.		<i>Aifreann Reilig an Choilligh</i>
----------	----	----------	--	-------------------------------------



Cill Treasa, Ros a'Mhil,

Dé Sathairn	25ú	6:30i.n.	Peadar Ó Nia	<i>Doire Né, Casla</i>
-------------	-----	----------	--------------	------------------------

Dé Sathairn	1ú	6:30i.n.		
-------------	----	----------	--	--



Cill Mhuire, Na Minna

Dé Domhnaigh	26ú	9:30am	Baibín Scahill (Cadhain) Máire Uí Dhiollúin	Aifreann Cinn Míosa Céad Cuimhneachán <i>Cartúr Leathan/Londain</i> <i>Cartúr Leathan</i>
--------------	-----	--------	--	--

Dé Domhnaigh	2ú	9:30am		
--------------	----	--------	--	--

Aifreann an tSamhraidh sa Reilig
Reilig an Choilligh.....Dé Luain 3ú Lúnasa @ 6pm.



Loinneog don Iontróid— Sm 67:6-7, 36
Tá Dia ina dhún naofa; tabharfaidh sé áit chónaithe don uaigneach agus neart agus cumhacht dá mhuintir.

An Ghlóir
Glóir do Dhia sna harda,
agus ar talamh síocháin do lucht dea-thola.
Molaimid thú; móraimid thú; adhraimid thú;
tugaimid glóir duit;
gabhaimid buíochas leat as ucht do mhórghlóire;
a Thiarna Dia, a Rí na bhflaitheas;
a Dhia, a Athair uilechumhachtaigh.
A Thiarna, a Aonmhic, a Íosa Críost.
A Thiarna Dia, a Uain Dé, Mac an Athar,
tusa a thógann peacaí an domhain, déan trócaire
orainn; tusa a thógann peacaí an domhain, glac
lenár nguí. Tusa atá i do shuí ar dheis an Athar,
déan trócaire orainn.
Óir is tú amháin is Naofa; is tú amháin is Tiarna;
is tú amháin is Ró-Ard, a Íosa Críost, mar aon leis
an Spiorad Naomh: i nglóir Dé an tAthair. Amen.

Urnaí
A Dhia, is tú dídean na ndaoine a bhfuil a muinín asat, agus níl neart ná naofacht in aon ní i d’éagmais; bronn go fial orainn do thrócaire, agus múin dúinn feidhm a bhaint as maitheasaí an tsaoil seo i slí is go bhféadfaimid ár gcroí a bheith sna maitheasaí buana. Sin é ár nguí chugat trinár dTiarna. **Amen.**

Liotúirge an Bhriathair

An Chéad Léacht
Sliocht as céadleabhar na Ríthe – 3:5, 7-12
I nGibeon nocht an Tiarna é féin do Sholamh i mbrionglóid oíche agus dúirt leis: ‘Cibé rud is mian leat a fháil uaim, iarr orm é.’ Agus dúirt Solamh: ‘A Thiarna Dia, tá rí déanta agat díomsa, do shearbhónta, mar chomharba ar Dháivi, m’athair. Ach níl ionam ach ógfhear gan oiliúint mar threoraí. Tá do shearbhónta i measc an phobail seo atá tofa agat, pobal atá chomh hiomadúil sin nach féidir a líon a áireamh ná a mheas. Tabhair do do shearbhónta croí tuisceanach chun an mhaith a aithint thar an olc, óir cé a d’fhéadfadh bheith i gceannas ar an bpobal seo agat atá chomh líonmhar sin?’

Ábhar sásaimh ab ea é don Tiarna gur iarr Solamh a leithéid seo. Dúirt an Tiarna leis: ‘De bhí gurb é seo an rud a d’iarr tú agus nach fad saoil duit féin a d’iarr tú, ná saibhreas, ná bás do naimhde, ach tú a bheith in ann breith tuisceanach a thabhairt, déanaim duit ar an toirt mar a d’iarr tú. Bronnaim ort croí ciallmhar tuisceanach nach raibh a leithéid ag aon duine romhat agus nach mbeidh a leithéid ag aon duine i do dhiaidh.’
Briathar an Tiarna. Buíochas le Dia.

Salm le Freagra – Sm 118
Freagra: Á, nach aoibhinn liom do dhlí, a Thiarna.

1. Dúirt mé, a Thiarna: ‘Gurb í mo chuid do bhriathra a choimeád.’
Is fearr liom go mór fada dlí do bhéilse ná ór agus airgead. *(Fr)*
2. Bíodh do bhuanghrá láimh liom, do m’fhortacht de réir do ghealltanais do do ghiolla.
Bíodh trua agat dom agus mairfidh mé, óir is aoibhinn liom do dhlí. *(Fr)*
3. Ar an ábhar sin is ansa liom d’aitheanta ná an t-ór is glaine.
Is uime a chloígh mé le do phroiceapta uile toisc gur fuath liom an tslí bhréagach. *(Fr)*
4. Is iontach iad go dearfa d’fhorálacha: dá bhrí sin comhlíonann m’anam iad.
Tugann foilsíú do bhriathair solas dúinn agus teagasc do lucht aineolais. *(Fr)*

An Dara Léacht
Sliocht as litir N. Pól chuig na Rómhánaigh – 8:28-30
A bhráithre, tá a fhios againn go gcomhoibríonn Dia san uile ní leo siúd a bhfuil grá acu dó agus a bhfuil glaoite aige orthu de réir a chomhairle féin. Mar na daoine a thogh sé dó féin ó thús, cheap sé ó thús iad le bheith ina macasamhail dá Mhac féin sa tslí go mbeadh seisean ina shinsear ar chlann líonmhar. Agus na daoine a bhí ceaptha ó thús aige is iad sin a ghlaoi sé chuige féin; agus na daoine a bhí glaoite chuige féin aige is iad sin a d’fhiréanaigh sé agus na daoine a bhí firéanaithe aige, is iad sin a ghlóirigh sé.
Briathar an Tiarna. Buíochas le Dia.

Alleluia, alleluia!
Bíodh teachtaireacht Chríost ina cónaí faoi rath ionaibh.
Gabhaigí buíochas trí Chríost le Dia ár nAthair.
Alleluia!

Soiscéal *Matha 13:44-52*
Go raibh an Tiarna libh. Agus le do spiorad féin.
Sliocht as an Soiscéal naofa de réir N. Matha
Glóir duit, a Thiarna.
Dúirt Íosa lena dheisceabail: ‘Is cosúil riocht na bhflaitheas le stór a bhí i bhfolach i ngort, agus an fear a d’aimsigh é, chuir sé i bhfolach arís é, gur imigh le barr áthais ag díol a raibh aige gur cheannaigh an gort sin.

‘Nó fós, is cosúil riocht na bhflaitheas le ceannaí a bhí ag lorg péarlaí breátha. Tharla aon phéarla amháin leis a bhí róluachmhar, agus d’imigh agus dhíol a raibh aige gur cheannaigh sé é.
‘Nó fós, is cosúil riocht na bhflaitheas le heangach a cuireadh san fharraige agus a ghabh gach uile shórt. Ar bheith lán di, tharraing siad aníos ar an gcladach í, shuíodar síos ansin ag cnuasach gach tairbhe in árais agus ag caitheamh na dramhaíola uathu. Sin mar a bheidh i ndeireadh an tsaoil: rachaidh na haingil amach agus scarfaidh siad na drochdhaoine

ó na firéin agus teilgfidh siad san fhoirnéis tine iad. Is ann a bheidh gol agus díoscán fiacal.
‘Ar thuig sibh na nithe sin uile?’
‘Thuigeamar,’ ar siad leis. Dúirt sé leo: ‘Sin é an fáth, gach scríobhaí a bhíonn ina dheisceabal de riocht na bhflaitheas, gur cosúil é le fear tí a thógann amach as a stór nithe nua agus sean.’
Soiscéal an Tiarna. Moladh duit, a Chríost.

An Chré
Creidim in aon Dia amháin,
an tAthair uilechumhachtach, a rinne neamh agus talamh,
agus an uile ní sofheicthe agus dofheicthe.
Agus in aonTiarna amháin Íosa Críost,
Mac Aonghine Dé,
an té a rugadh ón Athair sula raibh aon saol ann,
Dia ó Dhia, solas ó sholas, Fíor-Dhia ó Fhíor-Dhia;
an té a gineadh agus nach ndearnadh,
agus atá de chomhshubstaint leis an Athair:
is tríd a rinneadh an uile ní.
Ar ár son-na, an cine daonna,
agus ar son ár slánaithe, thuirling sé ó neamh.
Ionchollaíodh le cumhacht an Spioraid Naomh é i mbroinn na Maighdine Muire
agus ghlac sé nádúr daonna.
Céasadh ar an gcros é freisin ar ár son faoi
Phointias Píoláit; d'fhulaing sé páis, agus
adhlacadh é.
D’aiséirigh an treas lá de réir mar a d’fhógair na
Scriptúir; chuaigh suas ar neamh; tá ina shuí ar
dheis an Athar.
Tiocfaidh sé an athuair faoi ghlóir,
le breithiúnas a thabhairt ar bheo agus ar
mhairbh, agus ní bheidh deireadh lena riocht.
Creidim sa Spiorad Naomh,
Tiarna agus bronntóir na beatha,
an té a ghluaiseann ón Athair agus ón Mac.
Tugtar dó adhradh agus glóir, mar aon leis an
Athair agus leis an Mac: is é a labhair trí na fáithe.
Creidim san aon Eaglais, naofa, chaitliceach,
aspalda.
Admhaím an t-aon bhaisteadh amháin chun
maithiúnas na bpeacaí.
Agus táim ag súil le haiséirí na marbh,
agus le beatha an tsaoil atá le teacht. Amen.

Liotúirge na hEocairiste

Guígí go nglacfaidh Dia, an tAthair uilechumhachtach, leis an íobairt seo uaimse agus uaibhse.
Go nglaca an Tiarna leis an íobairt seo ó do lámha,
chun onóra agus glóire a ainm,
chun sochair dúinne agus dá Naomh-Eaglais uile.

Os Cionn na nOfrálacha
Glac leis na bronntanais seo a ofráilaimid duit, a Thiarna, as flúirse d’fhéile féin. Go ndéana na rúndiamhra seo, le cumhacht do ghrásta, sinn a

naomhú inár mbeatha ghnáth, agus sinn a thabhairt slán chun an aoibhnis shíoraí. Sin é ár nguí chugat trí Chríost ár dTiarna. **Amen.**

Rúndiamhair an chreidimh :
Gach uair a ithimid an t-arán seo agus a ólaimid
an chailís seo, fógraimid do bhás, a Thiarna, nó go
dtaga tú.

Iargomaoineach
A Thiarna, ghlacamar an tsacraimint naofa ina gceiliúramid páis agus bás do Mhic. Go ndéana an tabhartas seo a bhronn sé orainn le barr grá dúinn ár slánú síoraí a chur chun cinn. Sin é ár nguí chugat trí Chríost ár dTiarna. **Amen.**

An Deasghnáth Deiridh
Go raibh an Tiarna libh.
Agus le do spiorad féin.
Go mbeannaí Dia uilechumhachtach sibh,
Athair, Mac agus + Spiorad Naomh. **Amen.**

Imigí faoi shíocháin ag glóiriú an Tiarna le bhur mbeatha, Alleluia, Alleluia. **Buíochas le Dia,**
Allelui



Tamall ag guí i láthair na hEocairiste
i gCill Éinde, An Spidéal
Gach Satharn 10am—11am
Páidrin gach Domhnach
@ 6.00i.n.
Fáilte roimh cách